



Grupo Rímiko: Sablika

Amos Balentin

Angelo "Borrel" Dopwell

Letra Djawebs 19 di Mart, 2026



Awe'un ta pidi nada

Amos Balentin

E mesun ter'ey dòrná ku anglo, seku di krak i bandoná.

Koro: Awa, awa yobe hasi mi tera fertil pami

E proseso ku ta pasa bou di tera nos niun no ta mir'é. Ta Djadja su trabou.

Skuchando mi mama kantando Djadja Hooo ta mi konsuelo i mi inspirashon.

Ho Djadja Djadja ho. O Djadja Djadja he. Ho Djadja, nami forsa Djadja

Ho Djadja Djadja he. O Djadja Djadja ho. Ho Djadja, nami forsa Djadja.

Koro: Awe'un ta pidi nada nada. Awe ta danki na Shon Grandi so

M'a pidi forsa b'a nami reto. M'a pidi plaka b'a ná trabou

Koro: Awe'un ta pidi nada nada. Awe ta danki na Shon Grandi so

Gratitut ta reina den mi kurason, aseptá mi kanto ku ta bini ku fervor

Koro: Awe'un ta pidi nada nada. Awe ta danki na Shon Grandi so

Na nòmber di mi pueblo

Koro: Danki na Shon Grandi so

Ban dun'é ofrenda

Koro: Ban yama danki

No ban lubidá

Koro: Yama danki

Kòrda bo milager

Koro: Nos ta yama danki

Ku ki kara bo ta pidi

Koro: 'un ta pidi nad'awé



B'a pidi forsa, b'a haña prueba
B'a pidi pas, b'a pèrdè amigu
Bo aw'i wowo a pari fruta
Bo esfuerso awe a bira historia

Koro: Shon Grandi mashá danki

Yehova

Yeshua

Yam'é

Koro: Yam'é, yamé danki 4x

Eyfó tin guera

koro: Yamele danki

I nos ta wapa

Si un por kome, nos tur por kome

E kosecha na abundansia

B'a lubidá lihé, aynò b'a lubidá lihé

Bo bendishonnan

Koro: Awe'un ta pidi nada nada. Awe ta danki na Shon Grandi so

Skuchando mi mama kantando Djadja Hooo ta mi konsuelo i mi inspirashon.